

307-11
40
2249
501

靈

樞
識

五

靈樞識卷之三

丹波元簡廉夫 著

經別篇第十一 諸本無篇字當刪

五位 志云五方之定位

六律建陰陽諸經 甲乙建作主持二字志云建立

六陰六陽以合諸經

十二辰十二節 周禮誓簇氏十有二辰註辰謂從子至亥左傳成九年浹辰之間註浹辰十二日也邪客篇云辰有十二人有足十指莖垂以應之又云歲有十二月人有十二節又生氣通天論五藏

十二節

十二經水

詳于經水篇

十二時

顧炎武日知錄云古無所謂時凡言時若

堯典之四時左氏傳之三時

桓公六年三時不害

皆謂春夏

秋冬也自漢以下曆法漸密於是以一日分爲十二時蓋不知始於何人而至今遵用不廢

離合出入奈何

張云十二經脉已具前經脉篇但其

其上下離合內外出入之道猶有未備故此復明其詳然經脉篇以首尾循環言故上下起止有別此以離合言故但從四未始雖此略彼詳然義有

不同所當參閱

鑪之所過上之所息也 張云過猶經過謂忽略不

察也息如止息謂必所留心也

是太陽之正止皆爲正也 張云此膀胱與腎爲表

裏故其經脉相爲一合也是太陽之正入膈中與

少陰合而上行其別一道下尻五寸當承扶之次

上入肛門內行腹中屬於膀胱散於腎循脊當心

入散上出於項而復屬於本經太陽此內外同爲

一經也是少陰之正自膈中合於太陽內行上至

腎當十四推旁腎俞之次出屬帶脉其直者上繫

舌本復出於項合於人陽是爲六合之一也然有
表必有裏有陽必有陰故諸陽之正必成於諸陰
之別此皆正脉相爲離合非旁通交會之謂也餘
倣此志云正者謂經脉之外別有正經非支絡也
蓋從經而別行復屬於太陽之經脉故名經別謂
經脉之別經也馬氏以正爲正經宜與經脉篇之
直行者相合別者爲絡宜與經脉篇之其支者其
別者相合噫經脉血氣之生始出入頭緒紛紜不
易疎也甲乙無成以以下九字註云九墟曰或以
諸陰之別者皆爲正也

足少陽之正止此為二合也 張云此膽肝二經為

表裏經脉相為一合也足少陽繞髀陽入毛際與

足厥陰合其內行而別者乃自季脇入胸屬膽散

之上肝由肝之上系貫心上挾咽自頤頷中

中為頤頷頤下也出散於面上繫目系復合少陽

本經於目外眥瞳子膠也足厥陰之正別足跗內

行上至陰毛之際合於足少陽與別者俱行上布

脇肋是為六合之二也簡案肝上之上衍

足陽明之正止此為三合也 甲乙太陰之正下有

則別二字結作絡舌中作舌本額頤正脉道藏熊

本張本並作額顛馬本志本作額顛張云此胃脾
二經表裏相爲一合也足陽明上至髀關其內行
者由氣街入腹裏屬於胃散於脾上通於心循咽
出於口上頰顛入承泣之次繫目系爲目下網以
合陽明本經也足太陰之正上股內合於足陽明
與別者俱行上咽貫舌是爲六合之三也

手太陽之正止此爲四合也張云此小腸與心表
裏經脈相爲一合也指地者地屬陰居天之內手
太陽內行之脈別於肩解入腋走心繫於小腸皆
自上而下自外而內故曰指地經脈篇言交肩上

入缺盆絡心此言別於肩解入腋走心蓋前後皆有入心之脈手少陰之正自腋下三寸足少陽淵腋之次行兩筋之間內屬於心與手太陽入液走心者合乃上行挾於咽出於面合於目內背是當與足太陽精明相會矣此六合之四也

手少陽之正止此爲五合也 張云此三焦心主表裏經脈相爲一合也指天者天屬陽運於地之外手少陽之正上別於巔入缺盆下走三焦散於胃中包羅藏府之外故曰指天手厥陰之正其別面內行者與少陰之脈同自腋下三寸足少陽淵腋

之次入胸中屬於三焦乃出循喉嚨行耳後合手足少陽於完骨之下此六合之五也志云少陽初陽也從陰而生自下而上故曰指天目指地者謂手合于足也曰指天者謂足合于手也蓋分手足于二經則爲六合論陰陽之氣止三合矣簡案別下淵液三寸馬云別于腋下之天池穴攷本輸篇云腋下三寸手心主也名曰天池馬似是

手陽明之正止此六合也 道藏馬志本大腸作太陽誤也張云此大腸與肺爲表裏經脈相爲一合也手陽明之正循胸前膺乳之間其內行者別於

肩髃入柱骨由缺盆下走大腸屬於肺其上者循
喉嚨復出缺盆而合於陽明本經也手太陰之正
其內行者自天府別入淵腋出手少陰心經之前
入內走肺散之大腸其土行者出缺盆循喉嚨復
合於手陽明經以上共十二經是為六合也

經水篇第十二 馬云內論十二經脉合于十

二經水故名篇簡案管子水地篇云水者地
之血氣如筋脉之流通者也酈道元水經註
引經脉誌蓋其書誌經水之流通者

夫經水者止可得聞乎 張云經水者受水而行於

地也人之五藏者所以藏精神魂魄者也六府者所以受水穀化其精微之氣而布揚於內外者也經脉循江河也血猶水也江河受水而經營於天下經脉受血而運行於周身合經水之道以施治則其源流遠近固自不同而刺之淺深灸之壯數亦當有所辨也

八尺之士 簡案周禮考工記人長八尺又淮南天文訓人脩八尺而周禮卿大夫國中七尺以及七十七尺謂二十又淮南修務訓吾生也有七尺之形則與考工記天文訓異荀子曷足以美七尺之

軀哉又家語六七尺之體今據本經骨度篇人長
其實七尺五寸而泛言其脩或云七尺或云八尺
舉其大槩耳

其死可解剖而視之
簡案漢書王莽傳云翟義黨
王孫慶捕得莽使大醫尙方與巧屠共剝剝之量
度五藏以竹筵導其脉知所終始云可以治病宋
楊介存真圖歐希範五藏圖蓋其遺也而與本節
之旨符矣
其藏之堅脆止其常有合乎
張云如藏之堅脆則
見於本藏篇府之大小穀之多少則見於平人絕

夏補言 卷三
穀篇脉之長短則見於脉度篇血之清濁則見於
根結篇十二經血氣多少各有大數則見於血氣
形志等篇此其鍼艾淺深多寡故各有所宜如下
文也甲乙大數作定數

足太陽外合於清水 張云此下以經脉配經水蓋
欲因其象以辨血氣之盛衰也馬云按古今輿地
圖清水遺籍無之黃河合淮處謂之清河今有清
河縣疑是清水也張云按清水卽大小清河輿地
圖志曰大清河卽濟水之改道自兗州府東北流
出長清等縣由利津等界入海小清河一名灤水

源發濟南府趵突泉經章丘受漯河之水由新城
入海禹貢曰浮於濟漯達於河者必此河也今俱
屬山東省濟南府簡案今攷水經無清水王永註
以離合真邪論引本節作涇水蓋古本有如此者書
禹貢涇屬渭汭詩谷風涇以渭濁

通水道焉志云肺屬天而主氣膀胱爲津液之府
受氣化而出六府皆濁而膀胱之水獨清故足太
陽外合于清水內屬于膀胱而通水道焉足少
足少陽外合於渭水張云足少陽經內屬於膽常
少血多氣故外合於渭水按地志渭水出隴西郡

渭源縣西南鳥鼠山至同州入河今俱隸陝西省
 渭源屬臨洮府同州屬西安府也志云渭水獨清
 諸陽皆濁而膽為中精之府獨受其清故足少陽
 外合于渭水內屬于膽簡案張註義未允當志云
 渭水獨清與古說乖矣以渭合膽必有別所據今
 不可得而攷也下節諸水亦多不可解者

足陽明外合於海水 張云足陽明經內屬於胃常
 多氣多血為五藏六府之海故外合於海水按海
 包地外地在中海水周流實一而已今云四海
 者以東西南北而分言之也故東曰渤海南曰漲

海西曰青海北曰瀚海

足太陰外合於湖水志云湖水有五湖卽洞庭彭

澤震澤之類脾位中央而灌溉于四旁故足太陰

外合于湖水而內屬于脾又云土數五故合五湖

張云五湖皆在東南周禮職方氏揚州澤藪曰具

區案簡湖水與五湖各異水經註湖水出桃林塞

之夸父山又五湖謂長塘湖太湖射黃湖上湖瀟

湖

足少陰外合於汝水張云足少陰經內屬於腎常

少血多氣故外合於汝水按汝水源出汝州天息

山山西平上蔡汝陽等縣入淮今屬河南省汝寧府

足厥陰外合於澠水 志云澠水出于青州之臨淄

而西入于淮天下之水皆從東去澠水自東而來

故應足厥陰東方之肝木簡案澠史音彌善切張

音免志音咸廣韻食陵切又泯涵二音集韻神陵

切音繩

手太陽外合淮水 合下諸本有於字當補張云手

太陽經內屬小腸常多血少氣故外合於淮水按

淮水出唐州桐栢山繞徐揚之界東入於海今屬

河南省南陽府改名唐縣八寧故入中興故也
水道出焉非簡案膀胱通水道而小腸受盛胃之水
液而濟泌于膀胱故二府特言及之

手少陽外合於漂水張云手少陽經內屬三焦常
少血多氣故外合於漂水按漂水源川章丘長白
山入小清河歸海今屬山東省濟南府漂音繇又
太合切孫公外經注

手陽明外合於江水張云手陽明經內屬大腸常
多血多氣故外合於江水按江源出西蜀之岷山
今屬四川省成都府茂州其長萬里至吳地入海

此卽所以限南北也

手太陰外合於河水張云手太陰經內屬於肺常
多氣少血肺爲藏府之蓋其經最高而朝百脉故
外合於河水按河有兩源一出葱嶺一出於闐合
流東注滿昌海潛行地中南出積石以入中國一
說黃河源出星宿海在中國西南直四川馬湖府
之正西三千餘里雲南麗江府之西北一千五百
餘里合諸流自西而東行二十日至崑崙繞崑崙
之西南折而東北又折而西北又轉而東北又行
二十餘日歷雲中九原至大寧始入中國是爲四

瀆之宗

手少陰外合於濟水 張云手少陰經內屬於心常

少血多氣故外合於濟水按江源初發王屋山下

曰沁水既見而伏復出爲濟濟截河而流不混其

清故又曰清濟流雖微而獨尊故居四瀆之一合

屬河南省懷慶府濟源縣

手心主外合於漳水 張云手厥陰經內屬心在常

多血少氣故外合於漳水按漳水有二一出上黨

出沽縣大黽谷曰清漳一出上黨長子縣發鳩山曰

濁漳皆入於河今俱隸山西省沽縣卽樂平縣屬

太原府長子縣屬潞安府
西谷
張云夫經水者河
几此五藏六府止腰以下爲地
海行於外而源泉出於地經脉者脉絡行於表面
藏府主於中故內外相貫如環無端也然經水經
脉各有陰陽之分如天以輕清在上故天爲陽地
以重濁在下故地爲陰六微旨大論曰天樞之上
天氣主之天樞之下地氣主之人身應天地故腰
以上爲天屬陽腰以下爲地屬陰而經脉藏府之
應於經水者亦然
故海以北止此一隅之陰陽也
陽中之太陽甲乙

作陽中之陽一隅作一州張云如海合於胃湖合於脾脾胃居於中州腰之分也海以北者爲陰就胃府言自胃而下則小腸膽與膀胱皆屬府居胃之北而爲陰也湖以北者爲陰中之陰就脾藏言自脾而下則肝腎皆屬藏居脾之北而爲陰中之陰也腰以上者如漳合於心主心主之上惟心與肺故漳以南者爲陽也河合於肺肺之下亦惟心與心主故河以北至漳者爲陽中之陰也凡此皆以北南下北言陰陽耳然更有其陽者則藏府之外爲三焦三焦之外爲皮毛本藏篇曰肺合大腸

大腸者皮其應今三焦合於漯水大腸合於江水
故曰漯以南至江者爲陽中之太陽也此天地人
相合之道天地至廣而茲所言合者特舉中國之
水耳故曰此一隅之陰陽也所以人與天地相參
也簡案自海以北者至河以北至漳者則以上南
下北言陰陽其義自明矣惟至漯以南至江者則
以三焦大腸爲陽中之太陽其義未詳張註似牽
強志云河以北至漳者謂從上焦而後行于背也
漯以南至江者謂從中焦而前行于腹也此以人
之面南而背北也此說亦難據

足陽明刺也留二呼 甲乙陽明下有多血氣三字
太陽下有多血氣刺四字少陽下有少血氣刺四
字太陰下有多血少氣刺五字少陰下有少血多
氣刺五字厥陰下有多血少氣刺五字張云此足
經之刺度也出氣曰呼入氣曰吸曰十呼七呼
之類則吸在其中矣蓋一呼卽一息也但刺有補
瀉之異呼吸有先後之分故凡用寫者必俟病者
背之吸而入鍼再吸轉鍼候呼出鍼凡用補者必因
其呼而入鍼再呼轉鍼俟吸出鍼故鍼賦曰補者
先呼後吸寫者先吸後呼正此義也後世令病人

咳嗽以代呼收氣以代吸氣有出入亦與呼吸相
同耳

皆無過二分 張云手之六經皆在於上肌肉薄而

谿谷淺故刺不宜深經脉短而氣易泄故留不宜

久

肥瘦 終始篇云刺肥人者以秋冬之齊刺瘦人者

以春夏之齊

撩之 太甲乙作料之史音云一本作以意料之馬云

撩料同張云撩音遼又上去二聲通俗文理亂謂

之撩理簡案說文撩哩也玉篇料理也知是二字

音義並同

灸之亦然止脫氣 張云刺有淺深遲速之度灸有

壯數大小之度刺有補寫灸亦有補寫凡以火補者毋吹其火以火寫者疾吹其火血實氣壅病深肉厚者宜寫陽衰氣怯元虛體弱者宜補背腹股髀道遠勢緩者宜大而多頭面臂膈羸弱幼小者宜小而少此其大法也設不知此而灸過其度非惟無益反以害之是惡火也故灸失其宜則骨枯脉濇刺失其宜則脫泄元氣均致人之夭殃矣

膈之大小 甲乙膈作膈是

可爲度量乎 馬云度量俱去聲

若夫度之人 甲乙夫作失是與中度相反文脉貫

穿

瘠瘦 張云瘠通作消

切循捫按 簡案切謂診寸口循謂循尺膚蓋經脉
之小大膚之厚薄當寸尺度之如肉之堅脆腠之
大小非一一捫按不能知之故舉此四字以見其
義

因適而爲之真也 張云因其情適其宜必出於心

應於手斯得病治之真訣矣志云適從也真正也

是謂適其中而為度之正也簡案真猶知毒藥為真之真言因其各所適而為治法之真也

經筋篇第十三 馬云各經皆有筋而筋又有

病及各有治法故名篇張云凡十二經筋所起所行之次與十二經脉多相合其中有小異者乃其支別亦互相發明耳獨足之三陰則始同而終不同也所當並考愚按十二經脉之外而復有所謂經筋者何也蓋經脉營行表裏故出入藏府以次相傳經筋聯綴百骸故維絡周身各有定位雖經筋所行之部

多與經脈相同然其所結所盛之處則惟四肢谿谷之間爲最以筋會於節也筋屬木其華在爪故十二經筋皆起於四肢指爪之間而後盛於輔骨結於肘腕繫於膝關聯於肌肉上於頸項終於頭而此人身經筋之大略也筋有剛柔剛者所以束骨柔者所以相維亦猶經之有絡綱之有紀故手足項背直行附骨之筋皆堅大而胸腹頭面支別橫絡之筋皆柔細也但手足十二經之筋又各有不同者如手足三陽行於外其筋多剛手足三

陰行於內其筋多柔而足三陰陽明之筋皆聚於陰器故曰前陰者宗筋之所聚此又筋之大會也然一身之筋又皆肝之所生故惟足厥陰之筋絡諸筋而肝曰罷極之本此經脉經筋之所以異也

起于足小指張云卽足太陽經脈所止之處至陰穴次也

邪上甲乙邪作斜馬云邪斜同

結於踵上循跟張云踵卽足跟之突出者跟卽踵上之鞭筋處也乃僕參申脉之分

其別者止與膈中并 張云此卽大筋之旁出者別
爲柔稟短筋亦猶木之有枝也後凡言別者支者
皆倣此此支自外踝別行由足膈肚之下尖處行
小陽之後結於膈之外側絡穴飛陽之分乃上膈
內廉合大筋於委中而一之也

上挾脊上項 張云夾脊背分左右上項會於督脉
之陶道大椎此皆附脊之剛筋也

爲日上網下結於頰 張云網網維也所以約束目
睫司開闔者也目下曰頰卽顴也志云網當作綱
簡案上網蓋謂睫上細筋網羅目窠者鳩甲乙作

小指支跟腫痛小簡案支字諸家不釋蓋支技通謂
小指技捩於跟而腫痛下文支缺盆小指次指支
並同說文

紐痛說文紐系也楚辭注結束也

燔鍼劫刺張云燔鍼燒鍼也劫刺因火氣而劫散

寒邪也

以知爲數方言云南楚病愈者謂之差或謂之間

或謂之知知通語也

以痛爲輸馬云其所取之俞穴卽痛處是也俗云

天應穴者

名曰仲春痺 張云足太陽之經應二月之氣也此

與陰陽繫日月篇義同但彼以左足右足分十二

經以主十二月此以手六經足六經分主十二月

蓋以辨陰陽盛衰之義也志云在外者皮膚為陽

筋骨為陰病在陰者名曰痺痺者血氣留閉而為

痛也卯者二月主左足之太陽故為仲春之痺蓋

手足陰陽之筋應天之四時歲之十二月故其為

小病亦應時而生非由外感也

足少陽之筋止結於膝外廉 張云小指次指即第

四指竅陰之次也外踝丘墟之次脛外廉外丘陽
交之次膝外廉陽陵泉陽關之次此皆剛筋也
其支者止結於尻張云此支自外輔骨上走於髀
分爲二岐前結於陽明之伏兔後結於督脉之尻
至此剛柔相制所以聯臀膝而運樞機也
上乘眇季脇張云季脇下兩旁栗處曰眇五音篇
曰少也蓋其處少骨之義
支者止爲外維張云此支者從顴上斜趨結於目
外眇而爲目之外維凡人能左右盼視者正以此
筋爲之伸縮也

頸維筋急 馬云頸維之筋皆急張云維者牽繫之

謂志云維筋左右之交維也簡案張註誤

從左之右 此命曰維筋相交 張云從左之右則右

目不開是右病由左也然則左目不開者病由於

右可知矣角額角也並躡脉而行者陰躡陽躡陰

陽相交陽入陰陰出陽交於目銳眥故左絡於右

傷左角之筋而右足不用則其從右之左者亦然

其蓋筋之維絡相交如此也

孟春痺 志云寅者正月之生陽也主右足之少陽

故爲孟春之痺

起於中三指馬云蓋厲充穴起于次指而其筋則

自次指以連三指張云卽足之中指厲充之旁也

循胛結於尻尻字道藏正脉熊馬志本並缺馬一

本作缺盆案此因小註有缺字甲乙樓氏綱目並

作膝張仍之爲是張云胛足脛骨也其直者自跗

循胛結於膝下外廉三里之次

聚於陰器張云上行聚於陰器陰陽總宗筋之會

會於氣街而陽明爲之長也

太陽爲目上綱陽明爲目下綱張云太陽細筋散

於目上故爲目上綱陽明細筋散於目下故爲目

下網論疾診尺云診目痛赤脈從上下者太陽病

從下上者陽明病

結於耳前張云其支者自頤頰間上結耳前會於

足少陽之上關頰脈上至頭維而終也

脚跳堅張云跳者跳動堅者堅強也

卒口僻止故僻張云僻歪斜也其筋自缺盆上頸

頰挾口上合於太陽太陽為目上網陽明為目下

網故凡目之不合不開口之急縱歪僻者皆足陽

明之筋病寒則急而熱則緩也志云蓋左筋急則

口僻于左左緩則口僻于右也

治之以馬膏止三拊而已甲乙炭作灰綱目以坐

作與坐並似是張云馬膏馬脂也其性味甘平柔

潤能養筋治痺故可以膏其急者白酒辣桂性味

辛溫能通經絡行血脈故可以塗其緩者桑之性

平能利關節除風寒濕痺諸痛故以桑鈎鈎之者

鈎正其口也復以生桑火炭置之地坎之中高下

以坐等者欲其深淺適中便於坐而得其煖也然

後以前膏熨其急頰且飲之美酒噉之美肉皆助

血舒筋之法也雖不善飲亦自強之三拊而已言

再三拊摩其患處則病自已矣簡案季時珍馬膏

膏鬢項上也發明載本法云靈樞無註本世多不知此

方之妙竊謂口頰喎僻乃風中血脉也手足陽明之筋絡於口會太陽之筋絡於目寒則筋急而僻熱則筋緩而縱故左中寒則逼熱於右右中寒則逼熱於左寒者急而熱者緩也急者皮膚頑痺營衛凝滯治法急者緩之緩者急之故用馬膏之甘平柔緩以摩其急以潤其痺以通其血脉用桂酒之辛熱急束以塗其緩以和其營衛以通其經絡桑能治風痺通節竅也病在上者酒以行之甘以助之故飲美酒噉灸肉云樓氏綱目云以水調生

桑灰于鈎柄之坎縫處連頰塗之以收其弛其桑鈎柄別線繫於肩後使勿走作也王子接古方選註云坎頰間之坎陷也以桑灰置之坎中務使高下厚薄相等也攷坎字三說不同然張註于高下以坐等似爲妥帖李杲脾胃論有清陽湯治口喎頰顛急緊乃爲此證設焉當並考志云此治口頰喎僻之法也其轉筋癢疝諸證治在燔鍼劫刺治在燔鍼劫刺三樓氏云治在燔鍼之上當有其病轉筋者九字如足厥陰筋行水清陰氣之下所言也蓋燔鍼但宜施于筋寒轉筋之病其筋熱緩縱

者則不宜也

名曰季春痺 張云足陽明正盛之經應三月之氣

也志云辰者三月主左足之陽明故為季春之痺

足太陰之筋止上結於內踝 張云大指之端內側

隱白也循覈骨而上結於內踝下商丘之次

其直者絡於膝內輔骨 張云絡當作結此自內踝

直上結於膝內輔骨陰陵泉之次簡案有直者必

有支者疑脫之

循陰股結於髀 張云股之內側曰陰股結於髀

門之次也

下引臍兩脇痛 八甲乙下作上是

孟秋痺 張云孟秋當作仲秋此與下文足少陰條
謬誤當迭更之蓋足太陰之經應八月之氣也志
云孟當作仲酉者八月主左足之太陰故爲仲秋
之痺

起於小指之下止結於內輔之下至甲乙下下有入
足心三字張云起小指之下邪趨足心又邪趨內
側上然谷並足太陰商丘之次走內踝之下結於
跟踵之間與太陽之筋合由踵內側上行結於內
輔骨下陰谷之次

主癰瘰及瘰 張云癰癩癰也瘰牽急也瘰堅強反
張尤甚於瘰者也足少陰爲天一之經真陰受傷
故爲此病

在外者止不能仰 張云在外者與太陽之筋合故
不能俛在內者循脊內挾膂上至項故不能仰陽
病者卽在外者也陰病者卽在內者也余伯榮云
足少陰之筋與足太陽之筋上合于頸項此藏府
陰陽之氣交也病在外在陽者病太陽之氣故腰
反折不能俯在內在陰者病少陰之氣故不能仰
如傷寒病在太陽則有反折之瘰強在少陰則蹠

平卧矣簡案小兒癩病有內釣外釣之別亦此理也
熨引飲藥張云熨引所以舒筋飲藥所以養血
所紐所諸本作折是也當改張云折紐者卽轉筋
之甚發日數病日甚者陰虧之極也故當死不洽
志云紐折者癩瘰強瘻也如紐發頻數而甚者死
不治
仲秋痺張云仲秋誤也當作孟秋蓋足少陰爲生
陰之經應七月之氣也志云仲當作孟申者七月
之生陰也主左足之少陰故爲孟秋之痺
足厥陰之筋止結於內踝之前張云大指上三毛

夏
卷三
二十三
際大敦次也行跗上與足太陰之筋並行結於內
踝前中卦之次

結於陰器 張云陰器者合太陰厥陰陽明少陰之
筋以及衝任督之脉皆聚於此故曰宗筋厥陰屬
肝肝主筋故絡諸筋而一之以成捷運之用

治 在行水清陰氣 甲乙氣作器張云清理也此言
當以藥治之在通行水藏而調陰氣蓋水則肝之
母也志云厥陰之木氣本于水故治在行水以清
厥陰之氣

季秋痺 張云足厥陰者陰盡之經也故應九月之

氣志云戌者九月主右足之厥陰

手太陽之筋止應小指之上 張云手小指之上外

側少澤穴也上行結於手腕外側腕骨陽谷之次
上循臂內側結於肘下銳骨之後小海之次但於
肘尖下兩骨罅中以指捺其筋則痠麻應於小指
之上是其驗也

後走腋後廉 甲乙作從腋走後廉上繞臑外廉

走太陽之前 甲乙作出足太陽之筋前張云自腋

下與足太陽之筋合走腋後廉上繞肩胛行肩外
腋肩中腋循頸中天窻之分出走太陽經筋自缺

盆出者之前同上結於耳後完骨之次也簡案張

註為足太陽乃與甲乙符矣馬為手太陽誤

痛應耳止乃得視甲乙得作能馬云其頸痛應耳

中鳴而痛其頸痛又引于額而痛且其痛時目瞑

良久乃得開視

筋癭頸癭甲乙作筋癭頸腫諸本亦作頸腫但張

本作癭簡案癭腫同足腫也後世為腫脹之腫非張云筋癭頸腫即鼠

瘰之屬

復而銳之張云刺而腫不退者復刺之當用銳鍼

即鑱鍼也

本支者止以痛爲輸 甲乙無此四十一字與下節
手少陽之筋文重當從甲乙刪之

仲夏痺 張云手太陽之經應五月之氣也

手少陽之筋止結於腕上循臂 上張本作中云小

指次指之端無名指關衝之次也上結於手腕之

陽池循臂外關支溝之次馬志腕字下句上上聲

曲牙 沈氏釋骨云齒左右勢轉微曲者曰曲牙簡

案氣穴論云曲牙二穴謂地倉穴

上乘額結於角 張云額當作額蓋此筋自耳前行

外肯與三陽交會上出兩額之左右以結於額之

上角也

季夏痺 張云手少陽之經應六月之氣也

手陽明之筋止結於腕 張云大指次指之端食指

尖商陽之次也歷合谷結於腕上陽谿之次

上左角絡頭下右額 張云此直者自頸出手太陽

天窻天容之前行耳前上額左角絡頭以下右額

此舉左而言則右在其中亦如經脈之左之右右

之左也故右行者亦上額右角交絡於頭下左額

以合於太陽少陽之筋簡案繆刺論邪客於手足

少陰太陰足陽明之絡此五絡皆會於耳中上絡

左角又虛里之動獨應於左則經筋之有偏於左者不可言無也張註難憑

孟夏痺 張云手陽明為兩陽合明之經故應四月之氣

手太陰之筋止結於魚後 甲乙魚下有際字張云手大指上少商之次也魚後魚際也

散貫貫合貫下抵季脇 甲乙合貫作合脇季脇作季肋是張云散貫於胃上口貫門之分與手厥陰之筋合下行抵季脇與足少陽厥陰之筋合也按四十四難七衝門者胃為貫門楊玄操云貫者膈

也胃氣之所出胃出穀氣以傳於肺肺在膈上故
 胃為賁門詳此則經絡之行於三焦藏府之列於
 五內其脈絡相貫之處在上焦則聯於喉咽中焦
 則聯於賁膈下焦則聯於二陰舍此三處無所連
 屬矣

息賁 馬云本經邪氣藏府病形篇有肺脈滑甚為
 息賁

仲冬痺 張云手太陰之經應十一月之氣也

手心主之筋止結於肘內廉 張云中指端中衝之

次也循指入掌中至掌後大陵之次並手太陰之

筋上結於肘內廉曲澤之次

上臂陰止挾脇 張云上臂陰天泉之次由曲腋間
並太陰之筋結於腋下當天池之次下行前後布
散挾脇聯於手太陰足少陽之筋

結於臂 張云臂當作貫蓋此支並太陰之筋入散
胸中故同結於貫也志云臂當作貫貫叶臂散于
胸中結于貫門故成息奔也

支轉筋 甲乙筋下有痛手心主四字

孟冬痺 張云手厥陰以兩陰交盡之經故應十月
之氣

手少陰之筋止結肘內廉 張云少指內側少衝次也結於銳骨神門次也肘內廉少海次也

循臂 張云臂字亦當作賁蓋心主少陰之筋皆與

太陰合於賁而下行也樓氏云臂當作胸

心承伏梁下爲肘網 張云承承於下也伏梁堅伏

之積也網如羅網之牽急也手少陰之筋起於小

指內側結於銳骨上結肘內廉上入腋挾乳裏結

於胸中下繫於臍故在內則爲內急爲伏梁在外

則爲肘網及當其所過之處則爲轉筋等病

經筋之病止無用燔鍼 張云此以下皆結上文經

筋爲病而總言之也馬云寒急有陰陽之分背爲陽陽急則反折腹爲陰陰急則俛不伸故制爲焮刺者正爲寒也焮刺卽燔鍼簡案張以陽急陰急爲足太陽少陰非

名曰季冬痺樓氏以此五字移前段唾血膿者死不洽下張同云手少陰之經應十二月之氣也此節舊在後無用燔鍼之下蓋誤次也今移正於此足之陽明止皆如右方也甲乙嚙作僻馬云嚙僻同口僻之義此申言胃與小腸二經之筋其有病當治法如前也足之陽明胃經手之太陽小腸經

其筋若急則口與目皆爲喎噤其目眦亦急不能
猝然視物治之者用燔鍼以劫刺之以知病爲刺
數以痛處爲輸穴故曰治法如右方也前俱詳言
而又申言之可噤之意也簡案志以右方爲右喎
之方誤甚

骨度篇第十四 諸本無篇字

伯高曰 止脉度定矣 志云此言經脉之長短從骨
節之大小廣狹長短而定其度數故曰骨爲幹脉
爲營如藤蔓之營附于木幹也

衆人之度人長七尺五寸 張云此言欲知脉度者

必先求骨度以察其詳也衆人者衆人之常度也
常人之長多以七尺五寸爲率如經水篇岐伯云
八尺之士周禮考工記亦曰人長八尺乃指偉人
之度而言皆古黍尺數也黍尺一尺得今曲尺八
寸志云長七尺五寸者上古適中之人也
頭之大骨圍二尺六寸張云圍周圍也簡案頭骨
於耳尖上周圍而度之張云圍周圍也簡案頭骨
胸圍 張云此兼胸脇而言也缺盆之下兩乳之間
爲胸

腰圍 張云平臍周圍曰腰志云此胸骨腰骨圍轉

一、周之總數也。簡案平臍周圍無骨，此蓋謂腰髀骨之周圍。

髮所覆者，顛至項，尺二寸。馬云：此言仰人之骨度。蓋縱而數之也。顛，頭顛也。顛之皮生髮，髮所覆者，卽顛也。張云：髮所覆者，謂髮際也。前髮際爲額，顛後髮際以下爲項。前自顛後至項，長一尺二寸。圖翼云：如髮際不明，則取眉心直上後至大杼骨折，作一尺八寸。

髮以下至顛，馬云：顛下爲顛，髮際以下至顛，長一尺。

男子終折男諸本作君當改甲乙作君子參折註

云一作三又作終馬云言士君子之面部三停齊等可以始中終而三折之也衆人未必然耳張云終終始也折折衷也言上文之約數雖如此然人有大小不同故君子當約其終始而因人以折衷之此雖指頭胸爲言則下部亦然矣簡案據甲乙馬三停之解似是

結喉以下至缺盆中張云舌根之下肺之上系屈曲外凸者爲結喉膺上橫骨爲巨骨巨骨上陷中爲缺盆圖翼云卽天突穴處

缺盆以下止肺小 張云髑髀一名鳩尾一名尾翳

蔽心骨也缺盆之下鳩尾之上是爲胸肺藏所居

故胸大則肺亦大胸小則肺亦小也

髑髀以下至天樞 張云天樞在臍傍二寸足陽明

經穴自髑髀之下臍之上是爲中焦胃之所居故

上腹長大者胃亦大上腹短小者胃亦小也圖翼

云天樞足陽明穴名在臍旁此指平臍而言簡案

至真要大論云半所謂天樞也王水註身之半正

謂臍中也

天樞以下至橫骨 張云橫骨陰毛中曲骨也自天

樞下至橫骨是爲下焦迴腸所居也故小腹長大者迴腸亦大小腹短狹者迴腸亦小也

橫骨長六寸半止長一尺八寸張云橫骨橫長六

寸半一曰七寸半廉隅際也內輔膝間內側大骨

也亦曰輔骨

三寸半張云此言輔骨之上下隅也

內輔下廉下至內踝馬云足跟前兩旁起骨爲踝

在外爲外踝骨而在內爲內踝骨李時珍云踝足

螺足蠲骨也志云內輔內踝者以足八字分立則

內骨偏向于面也

膝膈以下至跗屬 圖翼云膈腿灣也跗足面也膝
在前膈在後跗屬者凡兩踝前後脛掌所交之處
皆爲跗之屬也

故骨橫止不及 張云凡上文所言皆中之度其
三有大者過之小者不及也下文同法

角以下至柱骨 張云此下言側人之縱度也角頭
側大骨耳上高角也柱骨肩骨之上頸項之根也
行腋中不見者 張云此自柱骨下通腋中隱伏不
見之處

季脇下張云脇下盡處短小之肋是爲季脇季小中

髀樞 張云足股曰髀髀上外側骨縫曰樞此運動

之機也志云在臀之兩旁卽足少陽之環跳穴處

膝中 張云言膝外側骨縫之次志云膝蓋骨內之

中中分 張云本前志云膝蓋骨內之

京骨 張云足太陽穴名在足小指本節後大骨下

赤白肉際陷中 張云此言耳後之橫度也耳後高骨

耳後當完骨 張云此言耳後之橫度也耳後高骨

曰完骨足少陽穴名入髮際四分左右相去廣九

寸志云從耳以至於腦後也廣橫濶也

耳前當耳門 止廣六寸半 張云此言仰人之橫度

也耳門者即手太陽聽宮之分目下高骨為顴兩
髀之間言兩股之中橫骨兩頭盡處也圖翼云橫
骨兩頭之處俗名髀縫七寸甲乙作九寸半註云

九墟作七寸

肩至肘 張云肩肩端也臂之中節曰肘

肘至腕 張云臂掌之節曰腕

中指本節 志云本節者指掌交接之骨節末者指

尖也

項髮以下至背骨 背甲乙作脊二寸半作三寸半

馬云此言伏人之骨度也張云項髮項後髮際也

背骨除項骨之外以第一節大椎骨爲言也

脊骨以下止分之七甲乙脊作脊四分分之一作

四分分之七奇分之一張云脊骨脊骨也項脊骨

共二十四椎內除項骨三節脊骨自大椎而下至

尾骶計二十一節共長三尺上節各長一寸四分

分之一卽一寸四分一釐也故上之七節共長九

寸八分七釐其有餘不盡之奇分皆在下部諸節

也簡索本節詳論上七節之度數而不及八節以

下攷神應經云中七椎每椎一寸六分一釐十四

椎與臍平共二尺一寸一分四釐圖翼作一尺一寸二分七釐是

下七椎每椎一寸二分六釐

圖翼云共八寸八分二釐總共五尺九寸

九分六釐不足四釐者有零未盡也

此衆人骨之度也

簡案計其大概伏人八尺二寸

五分仰人七尺五寸側人七尺一寸

是故止多氣也

甲乙氣下有乃經之長短五字張

云此結首節而言因骨度以辨經絡乃可察其血

氣之盛衰也簡案此一節與骨度不相涉疑是他

篇錯簡

五十營篇第十五 諸本無篇字馬云營者運

也脉之營行有五十度故名篇

天周二十八宿本甲乙作周天簡案詳見衛氣行篇
人氣行一周周甲乙作週樓氏云人氣行一周之
下當有與十分身之八六字千八分之上當有宿
字下當有人氣行五十周于身八字蓋天周二十
八宿宿三十六分人氣行一周於身與十分身之
二八宿三百六十分人氣行一十八周於身宿千八
分人氣行五十周於身也簡案樓說本于衛氣行
篇

千八分張云以周天二十八宿宿三十六分相因
共得一千零八分人之脉氣晝夜運行一周亦合

此數馬云積而推之十宿得三百六十分二十宿
得七百二十分八宿三八得二百四十分六八得
四十八分共得一千八分

日行二十八宿甲乙無此六字似是

二十八脉馬云十二經有十二脉而左右相同則
爲二十四脉加以陽蹻陰蹻督脉在脉共計二十
八脉以應天之二十八宿以分晝夜之百刻也

漏水下百刻日知錄云周禮挈壺氏註漏箭晝夜
共百刻禮記樂記百度得數而有常註百度百刻
也靈樞經漏水下百刻以分晝夜說文漏以銅受

水刻箭晝夜百節隋書天文志昔黃帝創觀漏水
制品取則以分晝夜其後因以命官周禮挈壺氏
則其職也其法總以百刻分於晝夜
氣行六尺日行二分二氣甲乙作脉六尺下樓補二
十七息氣行一丈六尺二寸十二字馬云積至十
息則其脉氣行六尺而天之日其行爲七釐五毫
按正文本云二分今細推之其所謂二分者誤也
假如曰二分則百息當行二十分千息當行二百
分萬息當行二千分加三千五百息又當行七百
分原數止得一千八分今反多得一千六百九十

二分想此經向無明註遂致誤傳未正今考其數
當云日行七釐半則一萬三千五百息正合日行
一千八分之數張云其日行之數當以每日千八
分之數爲實以一萬三千五百息爲法除之則每
十息日行止七釐四毫六絲六忽不盡此云日行
二分者傳久之誤也

二百七十息止日行二十五分甲乙二十五分作
二十分有奇樓以五字爲衍馬云其下水計二刻
日行二十分一釐二毫按正文曰二十五分者蓋
誤寫一釐二毫爲五分也張云凡一百三十五息

水下一刻之度也人氣當半周於身脉行八丈一尺故三百七十息氣行於身一周水下當二刻日行當得三十分一釐六毫爲正

五百四十息止日行四十分甲乙分下有奇二字馬云下水四刻日行四十分三釐二毫正文闕三釐二毫張云氣行二周脉行三十二丈四尺日行當得四十分三釐二毫爲正文言二十五分者太多本節言四十分者太少此其所以有誤也二千七百息止五宿二十分甲乙二十五分作二十分有奇馬云日行五宿二十一分六釐正文闕

一分六釐自此以下當云五千四百息氣行二十周于身下水四十刻日行十一宿七分二釐又當云八千一百息氣行三十周于身下水六十刻日行十六宿二十八分八釐又當云一萬八百息氣行四十周於身下水八十刻日行二十二宿一十四分四釐

皆盡脈終矣 甲乙註玉水曰此略而言之也細言之則常以一千周加一分又十分分之六乃奇分盡也

并行一數也 張云此釋上文交通二字之義并行

一數謂并二十八脉通行一周之數也

凡行八百一十丈也甲乙凡上有氣字也下有一

日一夜五十營以營五藏之精不應數者謂之狂

生所謂五十營者五藏皆受氣也三十三字註云

此段舊在經脉根結之末今移在此

營氣篇第十六諸本無篇字

營氣之道內穀為寶馬云此言營氣之運行一如

宗氣之所行也

宗氣所行之久盡見于經脉篇此篇論營氣所行與宗氣無異辭雖

不同而其

宗氣者大氣也大氣積于胸中出喉嚨

司呼吸以行經隧始于手太陰肺經終于肝經積

至一萬三千五百息脉行八百一十丈如前篇五十營之所論者是也營氣者陰氣也由中焦之氣陽中有陰者隨中焦之氣以降于下焦而生此陰營氣故謂之清者爲營又謂之營氣出于中焦者是也然此營氣者必成于水穀所化精微之氣故曰營氣之道穀氣爲寶非穀氣不能生此營氣非營氣不能生血也道者脉氣所由行之經隧也張云內納同穀不入則營氣衰故云內穀爲寶精專者志云精專者中焦之汁卽化而爲赤布散之血流溢于下焦水火交濟而化赤者也

故氣從太陰出 甲乙出下有循臂內上廉五字張
云此下言營氣運行之次卽前十二經脈之序也
至跗上注大指閒 馬上字接下句恐非

抵髀 甲乙髀作脾馬云卽陰陵泉血海箕門等穴
俱在髀之內廉屬脾經穴簡案據下文注腎從腎
注心外之例甲乙似是

出頤內 甲乙註一作項內馬以內字接下句恐非
馬云目下爲頤顴髎等處

從肝上注肺 甲乙肺作鬲

入頤顙之竅 志云頤顙鼻之內竅憂恚章曰人之

鼻洞涕出不收者頄顙不開分氣氣失也

究於畜門 張云究深也畜門即喉屋上通鼻之竅
門也如評熱病論啓玄子有云氣衝突於畜門而
出於鼻即此謂也畜鼻同許救切志云畜門鼻之
外竅究終也簡案張所謂畜門即頄顙耳蓋頄顙
者喉屋上通于鼻之竅門畜門者鼻孔中通於腦
之門戶畜鼻同以鼻吸氣也亦作齁鼻並許救切
上循腹裏入缺盆 簡案據上文之例此下當有是
任脉也四字然骨空論任督互稱以其為一源也
故不別著任脉耶

逆順之常也 志云逆順者謂經脉內外之血氣交
相逆順而行也馬云或逆數或順數皆合常脉其
運行之次無相失也張云前經脉篇未及任督而
此始全備是十四經營氣之序樓氏全錄此篇末
引東垣云十二經一脉也略爲十二分而已

脉度篇第十七 諸本無篇字

手之六陽 張云手有三陽以左右言之則爲六陽
凡後六陰及足之六陰六陽皆放此

五六三丈 六下甲乙有合字下文五六三丈六八
四丈六六三丈六尺並同簡案管子云伏戲作九

九之數以合天道

從足上至頭 甲乙作從頭至足張云按手足十二
經脈手之三陰從臍走手手之三陽從手走頭足
之三陽從頭走足足之三陰從足走腹此其起止
之度今云手之六陰從手至胸中蓋但計其丈尺
之數俱以四末爲始而言非謂其行度如此也後
放此

躄脈止合一丈五尺 馬云躄脈有陽躄陰躄陽躄
自足申脈行于目陰躄目足照海行于目然陽躄
左右相同陰躄亦左右相同則躄脈宜平有四今

曰二七一丈四尺二五一尺則止于二脉者何由
觀本籍末云躄脉有陰陽何脉當其數岐伯答曰
男子數其陽女子數其陰則知男子之所數者左
右陽躄女子之所數者左右陰躄也

合一十六丈二尺 潘氏醫燈續焰云據越人三十
三難云脉數總長十六丈二尺任督二躄在內其
始從中焦注于手太陰終于足厥陰厥陰復還注
于太陰所謂如環無端者不知二躄任督從何處
接入豈附行於足少陰太陽耶附則不能在循環
注接之內當俟知者

為孫盛而血者疾誅之 甲乙孫下有絡孫絡之四

字而下有有字張云凡人徧體細脉即皆膚腠之

孫絡也絡脉有血而盛者不去之則壅而為患故

當疾誅之誅除也

飲藥以補之 張云邪氣藏府病形篇曰陰陽形氣

合俱不足勿取以鍼而調以甘藥即虛者飲藥以補

之之謂

關於上七竅也 簡案馬訓關於通本于謝堅白三

十七難註張云關於五臟位次於內而氣達於

外故云云漢文帝紀註關於猶更歷也又車千秋傳

註閱經歷也

五藏不和 馬云二句結上起下之辭

陽氣太盛則陰不利 三十七難及甲乙作邪在藏

則陰脉不和下不利亦作不和並是

不能榮也 張云本經榮營通用不能榮謂陰陽乖

亂不能營行彼此格拒不相通也

故曰關 三十七難關作格簡案六節藏象亦以陰

盛爲關

故曰格 三十七難格作關簡案六節藏象亦以陽

盛爲格終始禁服並同馬云難經三十七難誤以

六陰脉盛爲格六陽脉盛爲關致後世不曰脉體而指曰鬲症尤誤之誤也汪云按關格二字字面雖殊而意義則一難經雖顛倒疑無傷也如素問对脉要精微論陰陽不相應病名曰關格是明以關格屬之病矣又仲景平脉篇下微本大者則爲關不格不通不得尿又曰跌陽脉伏而濇伏則吐逆水穀不化濇則食不得入名曰關格是仲景亦以關格爲病証而二字之義內經與仲景均未嘗細分也又難經第三難曰關之前者陽之動也遂上魚爲溢爲外關內格此陰乘之脉也關以後者陰之

動也遂入尺爲覆爲內關外格此陽乘之脉也是亦以溢覆言脉而以關格言病也今馬氏旣嘗難經復以仲景東垣丹溪爲非是而指關格爲脉體不亦併背內經乎又曰關爲陽不得人格爲陰不得出是兩脉共爲一病矣于義亦難分也

何氣榮水 乙甲水作也馬云人身氣血如水之流帝遂以躄脉起止何氣營水爲問簡案榮水不成義今從甲乙

躄脉者少陰之別 樓氏云躄脉始終獨言陰躄而不及陽躄者有脫簡張云繆刺論曰邪客於足陽

躄之脉刺外踝之下半寸所蓋陽躄爲太陽之別
故二十八難曰陽躄脉者起於跟中循外踝上行
入風池陰躄者亦起於跟中循內踝上行至咽喉
交貫衝脉故陰躄爲足少陰之別起於照海陽躄
爲足太陽之別起於申脉庶得其詳也

濡目 張云陰躄陽躄之氣并行廻還而濡潤於目
若躄氣不榮則目不能合故寒熱病篇曰陰躄陽
躄陰陽相交陽入陰陰出陽交於目銳眥陽氣盛
則瞑目陰氣盛則瞑目此所以目之瞑與不瞑皆
躄脉爲之主也